

# Nasjonalalassj gæhttalime

Ávddámærkkadahkamusá

8. ja 9. klásson

## Vuostasj sáme

Álmáj ja nissun vantsav gáddáj giesijga. Nissun mánáv fármáj váldij, gut lij gierkkamin vellahime vantsa mannegietjen lidna oarre ja miessenáhkij sinna. Vantsa guovddelin lij duolbbagiergge man nanna suovastin muhtem hillatjåskåjt. Dajt sábmme læggñij tjábbát gáddáj ja bássij váj buollájin, ja dagáj vuostasj dáláv Sáme ednamij.

Vanntsavuodon duolbbagierge guoran lidjin esski bivdedum guole. Vantsa ávddågiehtjen lidjin nágin vierme dagádum viettes, basstelissákkak dáktesnjutjega, sájte gánnå njunje lidjin gierges dagádum, gierggeáksjo guhka nadájn, roavggo ja muhtem duolje man nanna tjáhkåj, sassnevuossa ja muhtem giebne majt lidjin længås boalldám. Álmáj guottij divna gáddáj ja biejjaj dálågáddáj.

De álmáj váldij gierggeáksjov stálpev gáttåtjijt, majt lij sájtijn hávvádam ja njaldij dassta náhkev.

“Dát le buorre náhkke,” javlaj áhkátjijt.

“Dájn ádå ednamijn li vuoñnet vallje náhkis ja guollås jávre. Gehtja dát le ája gánnå I tjielgga tjáhtje. Dáppe li állo soarve. Tjáppa sáddugátte ja suodje. Mån jáhkáv dát sjaddá buorre ássamguovllo.”

“Le, dát la buorre áromsadje,” vásstedij nissun. “Árrop de dáhppe!”

De tsieggigádjiga goadev. Ruvva lijga goahtemuorajt tjuollam. Áksjo lij gierges, valla lej huoman basstel. Ruovde birra ij lim ájn sábmme gullam. Nijbe ja sájte lidjin aj gierges. Vuokka, snjutjega ja ájme lidjin dávtes, ja rujta lidjin længås boalddum.

Madin álmáj tjuolaj sekka guosajt ja oaløj dajt goahtemuorran, de nissun njadtsoj biessijt, stuorra biesijt stuoremus sággis majn ællim heva oavse. Ja dajt sån viettijn goarøj aktij loavddagin. Gå goahtemuorajt lijga tsieggim, de gábtjåjga goarodum biessij. Riehpennájgev guodijga. Goade guovddelin bárdøjga árrangiergijt. Loajdov duorggijga ja duorgaj nali biejjajga duoljijt ja roavgov. Divna smávva dingajt biejjajga sággåj. De li goahtegergas. De álmáj sisi guottij hillatjåskåjt majt árranij biejjaj. Nissun váldij længågiebnev, dievdij dasi tjátjev ádjagis ja biejjaj giebnev dálåj. De tjoallij guolijt majt biejjaj rujtta vuossatjijt.

Gierkkamin ádj mánåsj. Álmáj nuolaj muottáv ja viellidij árrangáddáj duoljij nali. Áhkåsj åtsåj ájmev ja suonav ja goarrogádj mánåsis ádå muottáv lidna oarrenáhkes. Biejjve luojttádj ja iehkeduvåj ádå ednamin.

## Lågá vuostak tevstav *Vuostasj sáme* ja vássteda gatjálvisájt.

1. Álmáj hilájt básoj dan diehti gá ...
  - A. ... ájgoj allasis guhka soahkestávráv áhtsát.
  - B. ... vuojnij hilájt suovastime muoraj vuolen.
  - C. ... ájgoj allasis goahtesajev áhtsát.
  - D. ... ájgoj dállit jávrregáttén.
  
2. Madin álmáj goahtemuorajt tjuolaj, de nissun ...
  - A. ... mánáv goaden njamádij.
  - B. ... biesseloavddagav dagáj.
  - C. ... biesseskáhpov dagáj.
  - D. ... mánnáj ádå muottáv goaroj.
  
3. Makkir ájge jáhká dát dáhpáduváj?
  - A. Ruovddeájge
  - B. Vikingájge
  - C. Gierggeájge
  - D. Broanssjaájge
  
4. Manen jáhká dán subttasa namma le Vuostasj sáme?  
.....  
.....

5. Masta lidjin njuollanjunje dagádum?

- A. Dávtes
- B. Gierges
- C. Længás
- D. Viettes

6. Majt álmáj ja nissun bårájga vuostasj bieje ádá árudagán?

- A. Biergov
- B. Fáddnojt/Båskåjt
- C. Guolev
- D. Gåjkkiebiergov

7. Manen álmå mielas ároj dát buorre árromsadje?

.....

.....

8. Mierkki gálmå diŋga ma sunnun lidjin fáron vantsas gå bådiŋga

	stálppe
	roavggo
	ája
	guole
	boahttsu
	biesselåvda
	sájtte
	ruovdde
	birso



Schweigaards gate 15  
Postboks 9359 Grønland  
0135 OSLO  
Telefon 23 30 12 00  
[utdanningsdirektoratet.no](http://utdanningsdirektoratet.no)